

Jamfør vedlagte adresseliste

Berekraftig verdiskaping - Regional plan for innovasjon og næringsutvikling 2021-2033 - Høyring og offentlig ettersyn av regional plan

Fylkesutvalet i Vestland vedtok i møte 19.01.21 å sende planen «Berekraftig verdiskaping – Regional plan for innovasjon og næringsutvikling 2021-2033» i Vestland fylke på høyring og offentlig ettersyn. **Høyringsfristen er 26. mars 2021.**

Endeleg vedtak av planen er planlagt for fylkestinget i juni 2021, etter ein omfattande høyringsprosess.

Mange har vore involvert i utvikling av planen

Berekraftig verdiskaping - Regional plan for innovasjon og næringsutvikling er ein plan for heile Vestland fylke. Planen er fylket – ikkje fylkeskommunen – sin felles plan for innovasjon og næringsutvikling. Svært mange personar både i fylkeskommunen og i andre organisasjonar har vore involvert i arbeidet med utarbeiding av planen.

Styringsgruppe for planarbeidet er Næringsforum Vestland. Medlemmer i Næringsforum Vestland er Innovasjon Noreg Vestland, Statsforvaltaren i Vestland, Fiskeridirektoratet Region Vest, NAV Vestland, Universitetet i Bergen, Høgskulen på Vestlandet, Norges Handelshøyskole, NHO Vestlandet, LO-sekretariatet i Vestland, KS Vestland, Bergen kommune og Norges forskingsråd (regional representant). Fylkesdirektør for Innovasjon og næringsutvikling i Vestland fylkeskommune er leiar for forumet.

Berekraftig verdiskaping - regional plan for innovasjon og næring


Planen byggjer på mål og prinsipp slått fast i [Utviklingsplanen for Vestland 2020-2024](#). Det omfattande kunnskapsgrunnlaget for den regionale planen viser ulike scenario, moglegheiter og barrierar for å lukkast med å tilpasse seg dei store samfunnsendingane og internasjonal konkurranse. All kunnskap peiker på at korleis ein taklar den store berekraftige omstillinga er avgjerande for å lukkast. Tida er knapp. Vi må ta utgangspunkt i dei store fordelane vi har i næringslivet og som ofte er basert på naturressursane våre. Vi må ta i vare det vi er gode på i dag, legge grunnlag for nye innovasjon på tvers av verdikjeder – og gripe nye moglegheiter. For å lukkast, må vi bygge vidare på verdiane til det nye fylket; «kompetent, open og modig».

Hovudmålet for planen er: *Vestland er det leiande verdiskapingsfylket basert på berekraftig bruk av naturressursar, grøn næringsutvikling og innovasjon.*

Planen har tre satsingar:

- Grøn næringsutvikling
- Innovative og inkluderande samfunn
- Areal for næringsutvikling

Ein verkemiddelpolitikk som støttar opp under satsingane, og nyttar dei rette verkemidla, og kombinasjonar av verkemiddel til rett tid vil vere heilt sentralt for å setje satsingane ut i livet. Vi må også ta omsyn til tverrgåande tema som er sentrale for å lukkast med gjennomføringa av planen.



Satsingane i planen er bransjenøytrale og gjeld for alle næringane. Eit viktig moment i oppfølginga av planen er difor å leggja til rette for å identifisere næringar og verdikjeder som kan fylle framtidig eksport- og verdiskapingsgap.. Sjølv om dei overordna satsingane i den regionale planen er næringsnøytrale, vil dei sentrale næringane i dag i stor grad vere det også i heile planperioden.

Retningsliner for arealplanlegging og referanse til plan og bygningslova § 8.5

Det kan her sjå ut som at ein her ønskjer å flytte mynde frå kommunalt til regionalt nivå. Det har ikkje vore intensjonen.

I retningslinene i plandokumentet side 17 vert plan og bygningslova § 8.5 referert, vi er blitt gjort merksame på at denne referansen har konsekvensar som ikkje var tilstrekkeleg utgreidd. Vi vart gjort merksame på dette for seint til å rette det i versjonen som går ut på høyring. Bruk av ein slik paragraf skulle alt vore varsla alt i planprogrammet, noko den ikkje var. I endeleg plan vil setninga med referanse til plan og bygningslova § 8.5 verte fjerna. Retningslina elles er det på noverande tidspunkt ikkje behov for å endre. Det er utarbeida overordna retningsliner for arealplanlegging knytt til næringsutvikling. Retningslinene er overordna og løyser ikkje ut krav om konsekvensutgreiing. Men retningslinene vil vere førande ved utvikling av nye og eksisterande næringsareal.

Meir informasjon om planen kan de finne på Vestland fylkeskommune sine nettsider: lese på vlfk.no/hoyring-plan-INN.

Kva ønsker vi dykkar syn på?

Fylkeskommunen ønskjer innspel på planen og handlingsprogrammet. Planen «Berekraftig verdiskaping» med tilhøyrande handlingsprogram er fylket, ikkje berre fylkeskommunen sin plan for innovasjon og næringsutvikling.

Planen har som visjon: Nyskapande og berekraftig.

Hovudmålet i planen er: Vestland er det leiande verdiskapingsfylket basert på berekraftig bruk av naturressursar, grøn næringsutvikling og innovasjon

1. I kva grad gir planen ei tydeleg strategisk retning for arbeidet med innovasjon og næringsutvikling i fylket fram mot 2033?
2. Planen har tre satsingar: Grøn næringsutvikling, Innovative og inkluderande samfunn, Areal til næringsutvikling
Er dei tre satsingane og tilhøyrande strategiar veileigna for å nå måla?
3. Er planen veileigna til å møte utfordringar knytt til korona-pandemien på kort og lengre sikt?

4. På kva måte kan planen vere eit godt verktøy til å mobilisere ulike aktørar til å delta i arbeidet med innovasjon og næringsutvikling i fylket?
5. Korleis kan planen bli eit godt verktøy for å samordne offentleg innsats og verkemiddelbruk?
6. Spørsmål spesielt til offentlege verksemdar:
Korleis kan planen fungere som overordna plan for regionale organ si verksemd og for kommunal og statleg planlegging og verksemd i regionen, på ein slik måte at til dømes kommunar berre treng utvikle eigne handlingsplanar?
7. Andre vesentlege innspel til planen

Handlingsprogram 2021

8. Kva andre tiltak/aktivitetar bør inn i handlingsprogrammet for 2021 for å få på plass eit godt fleirårleg handlingsprogram for 2022-2025?
9. Kven bør delta i det regionale samarbeidet for å nå måla, og korleis skal samarbeidet verte organisert?
10. Andre vesentlege innspel til handlingsprogrammet for 2021

Handlingsprogram 2022-2025

11. Kva forslag til strategiar og tiltak i handlingsprogrammet for 2022-2025 har du.
12. Har de innspel til felles utfordringar eller innsats innafor dei tre satsingane som må sjåast nærare på kort og lang sikt?
13. Korleis kan din organisasjon bidra i samarbeid eller partnerskap for å nå måla i planen?
14. Andre vesentlege innspel til arbeidet med handlingsprogrammet for 2022-2025

Høyringsmøte

Det er planlagt ein serie med regionale høyringsmøte. Møta vert i all hovudsak digitale. Møta vil bli annonsert. Informasjon og påmelding vil også bli publisert på nettsida vlfk.no/hoyring-plan-INN.

Vi ønskjer at de sender innspel via skjema på høyringssida, men innspel kan også sendast til post@vlfk.no. Merk innspela med referanse **2020/74003**

Høyringsfristen er 26. mars 2021.

Eventuelle spørsmål kan rettast til:

- Seniorrådgjevar Ingjerd Skogseid, epost ingjerd.skogseid@vlfk.no tlf 916 96 016
- Rådgjevar Ingeborg Sofie Sætrevik, epost: Ingeborg.Sofie.Setrevik@vlfk.no tlf 97 70 65 71

Med helsing

Per Morten Ekerhovd
fylkesdirektør

Mette Nora Sætre
seksjonssjef

Brevet er elektronisk godkjent og har difor inga handskriven underskrift

Vedlegg

- 1 **Berekraftig verdiskaping - Regional plan for innovasjon og næringsutvikling - Høyring og offentlig ettersyn av plan**

- 2 Høringsversjon - Handlingsprogram 2021 - Berekraftig verdiskaping - Regional plan for innovasjon og næringsutvikling
- 3 Høringsversjon - Berekraftig verdiskaping - Regional plan for innovasjon og næringsutvikling